

O vindeiro sábado 6 de agosto, ás 21:00 horas, a Praza García Barbón de Verín acollerá a actuación do coro Encaixe, unha proposta musical diferente, novidosa e divertida nacida das inquietudes e gustos musicais e artísticos de todos os artistas que compoñen esta formación vocal.

O grupo está formado por 18 cantantes profesionais procedentes de ámbitos tan distintos como as formacións De Vacas ou o Coro da Ra, grupos de teatro como Talía ou A feroz, a música tradicional ou até a televisión. Toda esta variedade estilística fai que o repertorio do coro chegue a lugares insólitos, sorprendendo con cancións recoñecíbeis por todo tipo de público.

Premio Martín Códax da Música 2018 ao mellor proxecto de música vocal, na actualidade Encaixe

aposta forte pola música galega contemporánea, facendo versións vocais de grupos como Marful, Berrogüetto, Narf, Dhais ou Malandrón

, e pola música lusófona, con versións do

Zeca Afonso

ou

Djavan

, entre outros. Aínda que tamén no espectáculo podemos escoitar algúns temas coñecidísimos de todos os estilos e todas as épocas (

Led Zeppelin, George Michael, Eurythmics,

etc.).

Nos seus inicios foron gañadores do concurso da TVG "Oh Happy Day", no que reforzaron máis aínda as bases do que hoxe é o coro para eles. Segundo as súas propias palabras: un lugar onde todos encaixamos, onde disfrutamos da música e onde poder ir libremente descalzos.

Coro Encaixe son: Manuel Abrales, Paula Romero, Faia Díaz, María Viña, Sandra Romero, Lorena Gontad, Inés Salvado, María Pardo, Malena Pazos, Rocío Jiménez, Diego Miramontes, Xoán Padín, Sergio Piñeiro, Bieito Miranda, Carlos García, Rubén Prieto, Michel Rivadulla e Carlos Abreira.